

二臣傳音

一

主

傳

牙

貳臣傳卷之十二

陳之龍列傳

陳之龍江西宜春人明舉人歷官三邊監軍道流賊李自成陷陝西之龍降賊授偽寧夏節度使職

本朝順治元年大兵定京師之龍舊將董學禮自懷慶降以書招之及英親王阿濟格追賊至陝西之龍詣軍門降委署三邊總督移駐固原二年三月進京

陸見十

一月授都察院右僉都御史巡撫鳳陽三年三月疏言臣自徐入境見小口河決沛縣首受其害舊黃河

上嘉納

水橫衝廬舍邳州宿遷半皆湮沒當議蠲賑淮楊地方文武貪殘冒濫者不少分別應叅革更換各屬

皆有

投順暫駐之兵統馭無人糜餉甚多宜早定經制

之十一月土寇劉和尚等由湖北蘄州突犯英山縣之龍檄調廬陽六安兩營兵擊走之又招降海賊徐見吾盧瑞宇等四年正月如阜縣土賊趙雲李七偽稱都督指稱明廢官李之椿爲謀主謀攻通泰等處之龍發兵斬賊千餘搜獲之椿鞫訊之椿未與謀因未繳出前明關防遣戍十月協同漕運總督楊聲遠勦

鹽城壩灣賊遣標將王永昌等勦廬江賊俱平之五年奏擒奸人黃毓祺于通州法寶寺獲偽印及悖逆詩詞原任禮部侍郎錢謙益曾留毓祺宿且許助資招兵

詔總督

馬國柱嚴鞠毓祺死于獄謙益辨明得釋時江西鎮將金聲桓叛攻陷無爲州巢縣等處巡按潘朝逸劾之龍不能禦寇縱兵淫掠得

旨降二

級調用又以審理周龍隱占明逃藩遂平王眷屬一案遲延朦混下部議革職之龍尋死

言利

言縣管

至道嘉祐不消新舉進之諸君
又曰曰曰曰曰曰曰曰曰曰曰曰
之諸不謂學以爲其對其對

採金省賦賦文開無流民其細其
其其其其其其其其其其其其其
其其其其其其其其其其其其其
其其其其其其其其其其其其其

其其其其其其其其其其其其其
其其其其其其其其其其其其其
其其其其其其其其其其其其其
其其其其其其其其其其其其其

駱養性列傳

駱養性湖廣嘉魚人明崇禎時官錦衣衛都指揮使
存遷左都督加太子太傅當周延儒與吳甡同秉政
欲引用養性甡持不可且因召對言厰衛弊害延儒
附和之養性怨甡並怨延儒行人司副熊開元養性
鄉人也劾延儒罪莊烈帝怒其謗譖輔臣令錦衣衛
逮至嚴訊時給事中姜琛以邈玩詔旨亦下錦衣衛
養性告同官以奉密旨令斃兩人於獄同官舉天啟
時掌衛事銀鍊殘酷崇禎初伏誅之田爾耕許顯純

爲戒養性懼漏語于同鄉給事中廖國遴國遴以語同官曹良直良直疏劾養性歸過于君而自以示恩若無此旨不宜誣謗卽有之不宜洩請誅養性疏入留中會吳牲以出征襄陽延緩罷任養性構陷之謫戍金齒延儒督師通州飲酒娛樂而日騰章奏捷養性陰刺其軍中事以聞延儒罷歸養性復與中官結騰蜚語莊烈帝乃盡削延儒職遣緹騎逮至京令自盡開元琛並出獄遣戍養性任職如故流賊李自成陷京師養性從蹙至

本朝順治元年睿親王多爾袞定京師養性與御監太監張澤民迎降于城外旋與錦衣衛都指揮同知王鵬冲等率旂尉陳設儀仗導引入

武英殿王令養性仍原官六月令總督天津軍務七月

疏言鹽課一節誠今日兵餉急需然鹽課出自南戶部一時路阻難以膠柱應權刻鹽票以當正引卽令商人赴戶部按引納課發鹽運使掣鹽至徵課舊例每引徵銀六錢五分七厘有零加徵遼東等餉在各商

若于食鹽之民又苦價高病商病民莫此爲甚現

在津兵待餉請卽以長蘆鹽課抵兵餉庶爲商民兩便從之又疏請徵納錢糧照舊例每兩加火耗三分其餘停免得

旨錢糧

徵納每兩火耗三分正是貪婪積弊何云舊例况

正

賦尙宜酌蠲額外豈容多取着嚴行禁革先後疏荐

明尙書張忻侍郎黨崇雅李化熙副都御史房可壯通政使王可弼並得

旨徵用

十月以擅迎明福王朱由崧所遣使臣左懋第等部

議革職爲民

上念養性有迎降功革總督任仍留太子太傅左都督銜十

二月

賜鞍馬

二年正月奏言漕糧爲國計所關明舊額四百餘萬

皆取於江南北今大兵業已渡河當以總漕大臣前
往相度料理隨收隨解庶京庾有儲又兩淮鹽務國
計所賴招商裕課亦宜及時圖度疏下部知之五月
敘迎順功加太子太師六月百戶安啟懋訐養性貪
婪通賊事下法司訊不實褫啟懋職十月疏言守候
期年未蒙委任今陞太子太師何敢坐糜廩祿而不

貢自傳二卷十二
思報効伏懇

勅諭吏部得

旨靜候簡用五年八月吏部以養性原係武職出身前已緣

事不應再補文職請

勅兵部降用六年二月授浙江掌印都司尋死

張若麒列傳

張若麒山東膠州人明崇禎四年進士任清苑縣知縣十一年行取考選得用給事中檢討楊士聰劾吏部尙書田維嘉考選行私莊烈帝因親策諸臣若麒僅得刑部主事大失望謀改兵部會少詹事黃道周劾大學士楊嗣昌奪情起復嗣昌亟購人劾道周若麒鄉試爲職方司郎中王陞所取中至是陞以密結嗣昌新擢太僕少卿示意若麒若麒遂疏詆道周曰頃者大布王言諄諄然以正人心息邪說爲治天下

之大本舉黨同伐異之隱情招權納賄之狡術無不見其肺腑數日以來羣黨藉藉或擲抄傳之邸報而怒視或引不論之遠事而詆譏有謂召對之日黃道周犯顏批鱗古今未有而上爲之埋屈者又謂堅求一死而上左顧言他始終無如道周何者要使古今未有之好語盡出自道周口而凡可以歸過君父者無所不至蓋飾六藝以文姦言務在假託道學以把持朝廷而顯行其呼朋引類之計舉國如狂莫之敢指臣何敢長其兇鋒而不言疏入貶道周六秩調外

嗣昌以若麒知兵調爲兵部職方司主事尋遷郎中
十四年我

太宗文皇帝圍錦州總督洪承疇集諸鎮兵來援未敢決戰

兵部尙書陳新甲遣若麒往商於承疇欲分四路夾
攻承疇慮兵分力弱議主持重若麒以圍可立解入
告新甲益趣承疇進兵若麒屢報捷浣加光祿寺卿
旣而諸軍自松山出戰我師擊敗之殲殪各半若麒
自海道遁還新甲庇之復令出關監軍十五年二月
松山城破若麒復自遼寧遠遁還時大學士謝陞與新甲庇

若麒並爲廷臣交章糾劾御史米壽圖劾若麒本不諳軍旅諂附楊嗣昌遂由刑曹調職方督臣洪承疇孤軍遠出若麒任意指揮視封疆如兒戲虛報大捷躡光祿卿冒功罔上恃鄉人謝陞爲內援當駢斬以慰九廟之靈於是若麒論死繫獄及流賊李自成陷京師縱出之受僞職爲山海防禦使

本朝順治元年睿親王多爾袞定京師若麒迎降授順天府丞暫管府尹事七月若麒啟請撥付兵馬往勦其鄉賊寇以濟南兗州東昌聽招撫侍郎王鰲永經

理而已分任登萊青三府睿親王以府尹不便領兵
進征諭止之先是吳三桂爲明總兵若麒素相識及
我

朝

封三桂爲平西王若麒數通餽問睿親王諭責之曰

大小臣工只應辨本等職業不宜諂上瀆下今察知

順天府

人差

取魚向各王府投送恐各官效尤諂瀆成

風自後不得勞民獻諛有乖政體若麒啟辨各王府

從未輕謁惟平西王係舊知曾往弔其父喪又值生

辰一往拜壽亦無取魚投送之事此有人設謀陷害